

寒
松
閣
詞

寒松閣詞卷三

嘉興 張鳴珂 公東

齊天樂

王景之 祖斌 僑寓吳門繪鴛湖泛糴圖以寄故鄉
之思徵題賦此

畫船聽慣江南雨鄉園頓生歸興蒹葭潮通蘆葦雪颭中
有樓臺名勝琉璃萬頃看柳色空濛綠波交映唱徹漁謳
清煙飛破鷺鷥影清游更饒豔景水風牽荇帶搖漾明
鏡翠幔聞鶯紅帟裏鳴一櫂穿雲無定鴛鴦睡醒怕偷眼
遙窗妒人雙凭我欲浮家白鷗盟未冷

月下笛

題羊辛楣花谿漁笛圖用卷中樊雲門

增祥韻

橫竹呼秋輕撓盪水釣游何處飄零太苦蓑笠相逢在南
浦浮家泛宅依然好莫更向天涯問渡正鯉魚風起蘆花
瑟瑟滿灘煙絮凝伫斜陽暮便貰酒湖濤醉盟鷗鷺關
河倦旅夢回江上孤嶼故園無恙歸帆穩有笳管隨身帶
取和一曲滄浪吹徧蕢洲舊譜

百字令

辛楣將赴粵東張子衡廉訪

岳齡

餞之梅園賦詞

贈別余亦繼聲

垂鐙春淺又綠波南浦征帆催別小憩名園陪杖履相對
一尊淒絕孤劒從軍中流擊楫壯志何空闕習池高會座

中都是英傑 猶喜臘鼓迎年衝寒庾嶺剛報梅花發驛
路相思誰寄取打疊吟牋盈篋潮落灘聲煙迷津樹夢斷
關山月扁舟風送浪花堆起如雪

百字令

題繆芷汀觀察

德萊

秋樹讀書圖

秋來何處是梧桐小院西風蕭槭葉墜空廊簾半卷涼染
一襟濃碧睡鴨添香瘦蟾窺影靜坐繙芸帙研朱簪校硯
凹清露微滴 還憶毳幕從戎飄零書劒同此分陰惜塵
垢一囊隨馬足萬里關河籌筆斟酌謨觴縱橫圖史醞釀
匡時策疏林煙暝翦鐙休負遙夕

鳳皇臺上憶吹簫

題謝叔如

章鉅

賭棊山莊圖

一月垂天萬山窺

借大箸酒邊詞中句

謝家詞筆清空認艸堂何

處喬木青葱世事枯

棊一局還憶否賭墅爭雄從今後楸

枰斂手得失雞蟲

匆匆客游去也花底幾樓臺蛛網塵

封況鼓鼙聲急漸少歡悰賸有池邊疏柳開倦眼猶待春

風春風到元亭問奇載酒相從

浣谿紗

孤館春寒酒易醒夢回長憶鬢雲橫別來消減幾分青

一枕潮聲黃歇浦三年浪迹灌嬰城但憑短札訴衷情

紅豆拋殘冷畫屏隔花吹徹鳳簫聲當年深悔別離輕

水驛通波傳錦鯉海棠籠霧度流鶯斷腸天氣又清明

南浦

送謝枚如還廬山鹿洞書院

珠簾暮卷倚滕王高閣送君行
纔過清明寒食飛絮滿江城
且盡綺筵杯酒照湖波綠鬢
各星星看片帆催挂短橈
頻撥黯黯別離情此去水程
漸遠壓孤蓬空外數峰青
差喜匡廬無恙鴈鶴早相迎
料理筆牀茶竈傍東風聽徧
讀書聲奈小桃開落一春花
事總飄零

高陽臺

和許季仁太守蓬窗聽雨寄懷原韻

江闊雲低船浮浪湧風風雨雨斜侵悄
揜孤篷那知潮淺潮深荒灘暝色圍叢篠
聽瀟瀟空外流音倚熏簾欲寫相

思擁鼻微吟 扁舟十載金閨路記朱闌喚酒陳迹堪尋
誰分飄零依然野岸疏林落紅滿地韶光老咽呢鵑悵斷
芳心又宵來惻惻春寒似水難禁

瑤花

沈蘆汀

汝彬

由鴛湖還茗上風雪扁舟光景奇絕

不啻白石老仙垂虹夜游也繪圖寄示題以歸之
扁舟載酒遙指菰城探玉梅消息寒鴉盤陳斜照外淦淦
湖雲如羃關河歲晚問誰伴芳心孤寂祇夜深飛雪濛濛
夢繞水西荒驛 朝來試啟篷窗看一抹疏林晴絮堆積
銀塘似鏡渾不管凍損鴛鴦雙翼柴門盡掩臘幾縷炊煙
縈碧記舊游曾釣落磯負了綠蓑青笠

掃花游

費餘伯以耕畫梅花水榭橫幅鄭所齋德歲索題

小園傍水訝漠漠輕寒翠禽呢喃暗香度嶺看橫斜態好
綺窗搖暝凍萼無言一笛高樓喚醒畫闌凭正雪壓半谿
詩夢都冷春信教管領問驛使南來折花誰贈舊游試
省記銅坑醉月縞衣妝靚洗硯池邊淡墨微茫弄影對清
景又黃昏角聲初靜

西湖月

順治庚寅虞山蒙交留西湖賦雜感二十首書於
絹素梅邨祭酒爲補圖芝麓尙書題一律於燈末
江左三家萃於一卷洵名蹟也狄曼農學耕得之

屬爲賦此

鶯花半壁湖山指一抹荒煙趙家宮闕接天衰艸棲霞古
柏斷橋殘雪興亡都閱盡幾樹垂楊零病葉料應是望
帝魂歸枝上五更啼血那禁雨苦風淒又似水背寒釀
愁時節翦鐙相對詞人老去舊游能說錢王遺廟在看翠
墨淋漓題片碣最難忘鐵弩餘威射潮鳴咽

乳燕飛

本意和許季仁太守韻

錯認天涯路傍東風回翔紫陌蹴花低舞王謝堂前曾相
見誰識烏衣舊侶更不辨喃喃私語楊柳樓臺春如海任
飄搖幾日成飛絮巢未穩恁歸去主人恩重渾非故記

當初銜泥補壘畫梁都污猶待歸來簾常卷商略年年小
住柰換了斜陽庭宇覩時聞流鶯囀惜同羣儘把心情
訴秋近矣尙羈旅

金菊對芙蓉

題許子笠太守石鐘泛月圖

晴雪亭臺灑寒城闕宵來風景偏幽漸冰蟾催上冷挂簾
鉤湖波淨拭如鏡寄疏狂一葉扁舟吟朋三五蓬窗翦
燭容與中流依約水際螺浮折落枝叩石聲澈林岫料
東坡去後無此清游江山彈指成今昔話當年飛捷名樓
空舒嘯圓沙拍拍驚起眠鷗

憶江南

寒松閣詞卷三

五

丙戌除夕和王次逸

甲榮

殘年盡風雪拚衡茅歲月崢嶸蛇赴壑關河飄泊燕營巢
春信上梅梢
鄉關迴離思正無窮事業他年煨芋火因緣異地聚萍蹤
把酒祝東風

尾犯

雪後寫望簡次逸

小苑雪初晴殘粉畫檐清溜微滴倦柳靨慵舞東風無力
棲凍樹昏鴉萬點界斜陽紅闌數尺卷簾凝望盪散片雲
江上春山碧
琴樽空訂約曾寄錦字消息薜徑荒寒阻
尋芳雙屐探梅訊南枝舒蕊倚熏篝餘香戀夕釀愁誰省

起弄月明深夜笛

一萼紅

丁亥冬家慈將率眷屬買舟來章門先期移寓桃花巷棚園主人用玉田弁陽翁新居韻賦詞見贈依韻和之

拂征衣看緇塵浣盡鍼綫多時游子離鄉高堂望遠頻
更佳節芳菲溯西江全家一舸祝馬當相送好風吹安穩
程途團樂笑語休寄當歸最愛桃花深巷有蔬畦環徑
梧井通池位置琴尊安排筆硯小窗晴旭移遲冬至後一日待
重試香心紅袖喜依然書味夜鐙知且侍板輿花下細譜
笙詩

前調

述懷仍用玉田韻

織弓衣笑高歌敕勒橫梁記當時束髮從戎揮豪倚馬寒
垣艸長芳菲洗吳鉤自搏殘雪聽五更帳外角聲吹上將
星明捷書露布長揖言歸誰分飄零宦海任孤雲出岫
弱絮縈池庾嶺寒梅章門煙柳渡江春信遲遲繞湖隄看
山挂笏算閒情只許白鷗知檢點奚囊賸句補綴新詩

百字令

贈汪芍卿

緩之

卽送其出宰豐城

酒記詩虎是醉翁席上丰標先挹卅載論交深幾許潭水
桃花千尺官閣吟梅郵亭折柳離合傷萍迹烏紗同岸鬢

華都已如織 還憶劫換滄桑雲停嶺海恥作諸侯客擊
鼓回飄風力健飽看匡廬山色劒氣干霄潮聲入枕剪燭
歡今夕兒童騎竹隔江遙候煙驛

高陽臺

洪梅孫

祖詒

屬題其尊甫肖梅先生香雪論心圖

用卷中齊玉谿韻

瘦影窺蟾孤懷伴鶴東風吹徹冰心踏破蒼苔羊求徑裏
同尋巡簷且索寒梅笑翦春鐙共對宵深聽高樓玉笛聲
催香雪成林 年年戎馬關山路把相思一段分付瑤琴
籬落昏黃故園消息都沈詞人已醒游仙夢酌芳魂好訂
知音繞谿流萬點疏花一角遙岑

百字令

麻幼愚

瑞

宰瑞金購巨石於廢園置諸棉江書院

銘而刻之索華海初

文匯

畫以徵題予去秋權上

饒署中亦有一石頗可人意因賦此解遂牽連及之

洞天清曉認翠微峯下眉痕浮碧一片雲腴憑割取積蘚
蒼蒼如滴巒壑迴環盆池供養官閣傳觴夕相逢顛米定
攜袍笏長揖猶憶小住南屏階飄黃蘗秋嶂橫簾隙皺
瘦玲瓏通萬竅我亦煙霞成癖解組匆匆鬱林裝辦不載
扁舟石輪君圖畫雪泥鴻爪重覓

垂楊

裊柳初黃春風駘盪柔條披拂依依動人爲賦此
解

垂垂瀟岸漸弄晴蘸水碧搖春淺萬種纏絲引將芳思舒
青眼纖臂低攏東風軟任眠起不教人見倚斜陽一角紅
樓把翠陰遮斷曾記藤蕪小院聽曉老曉鶯絮飛煙亂
惜別攀條幾回惆悵珠簾卷飄零最怕天涯遠問何事柔
絲未綰待他時化作浮萍吹易轉

和作

番禺葉衍蘭曼卿

章臺夢杳記陌頭弄色嫩黃初裊舞損纖臂小垂煙態
和愁抱傷心何事凋零早絮飛盡翠樓春悄臉當時汁
染青衫漬淚痕多少猶說靈和殿好怎朝雨幾番也

摧殘照濯濯柔姿那禁憔悴香塵埽攀條更恨長安道
怕重問燕昏鶯曉歎風前一樣蕭疏絲鬢老

龍陽

易順鼎仲碩

江南兩岸共酒旗一色問誰深淺底事含顰入時眉樣
慵擡眼和煙壓得闌干軟更遮住落紅難見太無聊如
水般柔沒寶刀能斷曾向閒坊冶院看十萬縷金舞
衣零亂幾陣東風便將飛絮飛花卷綠雲似髮妝樓遠
記初把靈蛇學綰怕中閒一綫春魂句未轉

念奴嬌

諾瞿上人

員微

摘覺阿詩句畫一蒲團外萬梅花

圖翁叔平尙書用石帚韻賦之出眎徵題爰爲繼

聲

疏林微雪悄飛來孤鶴翩翻爲侶萬疊青山環古寺添種
玉梅無數鄧尉移春維摩說法花落紛如雨一蒲團外贊
公會賦新句薄暮香氣濃熏禪心欲破忙喚扁舟去高
唱大江西上曲一笑相逢南浦蓮社攢眉天池洗盃好向
匡廬住流泉招隱訪君應認樵路

金縷曲

李樾卿

爰

出其尊甫剛介公傳忠錄見貽謹書其

後

世事堪悲咤望遙空星分翼軫天狼低射幾輩幾時能殺
賊屈指公眞健者纔不媿書生戎馬楚尾吳頭連克捷更

長驅東逐江流下迎戰急鼓聲啞
濃磨盾墨淋漓寫走
龍蛇蜿蜒腕底整軍多暇自製饒歌朱鷺曲文采跨顏凌
謝原不惜以膏塗野爭柰援師三舍避賸孤忠碧血萑宏
化千古恨淚頻灑

南歌子

楊花

淺霧蒸微潤輕陰閣晚晴東風作意太愁生一任悠揚飛
絮滿迴汀
糝徑濃於雪黏池化作萍年年舒眼爲誰青
盡道纏絲不道會飄零

清平樂

富溪道中

好山無數眉黛層雲護行盡溪灣迷去路煙鎖夕陽邨隔

峭寒漸逼征衣暮鴉繞樹爭飛商略停車何處故人相

候柴扉

謂劉潤芬奇卿昆季

玉蝴蝶

自上富至義甯百七十里崇巒疊巘曲折紆回經
大還山尤幽蒨可喜爰填此闕憩松石閒解囊琴
歌之欲令眾山皆響也

昨向匡廬游徧一肩行李來倚吟筇嶺路千盤如磨追蹠
樵蹤散靈芬暗聞巖桂吹落葉冷舞霜楓振天風飄飄衣
袂長嘯凌空 匆匆未招鵲鶴蒼茫凝睇雲氣溟濛此間
林壑深邃松檜青蔥寄幽棲衡茅靜拚度曲澗略約斜通

倘相逢仙人采藥同上高峯

采蓮令

愛蓮池在州署西偏宋周濂溪先生主簿分甯時
舊址

藕花殘風露銀塘冷雲斂展倒窺天鏡四圍翠巘送遙青
淺漾山眉影淩波步田田唱罷鴛鴦夢醒暗香知爲誰領
舊治濂溪尙賸半畝清涼境穿蘿徑盡闌閒凭柳絲搖
曳看足了滿院斜陽暝更回憶龍華小劫湘纍沈後夜夜
廢池光瑩

咸豐乙卯之變州牧贈
太僕卿葉公殉節於此

蜨戀花

題許霽樓

孫餘

蘭蕙同心錄

珍重靈根移楚畹翠葉離披颺得春風顛綺石玲瓏環四面
露華只訝宵來淺空谷幽香參鼻觀吮筆調鉛寫上
驚谿絹注罷離騷經一卷望湘人隔天涯遠

絳都春

孫翰香家楨得王載揚徵君故宅築小靈鷲山館

繪圖徵題

玲瓏邃館露一角翠巒牆署遮斷踏破蘚痕小徑逶迤隨
花轉斜陽飛絮閒庭院聽密樹青禽低喚試尋蒼玉迴廊
盡處皺雲迎面空戀徵君舊宅鶴書早渺矣稿焚封禪
雨洗嫩落卷石招涼橫秋熾靈根閱世繇華換結長嘯蘇
門人伴掬來鴛脰湖波暗塵淨澣

憶秦娥

愁千疊。楚天微雨銷魂別。銷魂別。白蘋香送好秋時節。
曉窗綠樹聽嘒鳩。江南江北音塵絕。音塵絕。玉璫緘札淚痕棲睫。

山亭宴

金淮生

武祥

宦游粵西訪漫亭故址乞汪穀齋

璩

補書元次山冰井銘重刻之唱和成帙郵示索題
爲賦此解

試尋漫安登臨處。有當年井闌銘語。宦蹟著炎荒喜同此。
驂鸞小駐大雲山色最青蒼。望不斷濛濛煙樹。淵底響潺湲。
湲聽石罅流泉注。一泓止水空亭古。灑微雨碧苔潤礎。

寒登汲詩瓢歎照影塵顏似故煮茶僧舍滌煩襟問味比
中冷甘否翠墨久凋殘好寄與詞仙補

掃花游

陳伯平

國治

嗜金石文字我友孫叔苒

祿增

弟子

也以馮黔夫

世定

所作秋山訪碑圖屬題

雁雲盡卷露一抹層巒數行疏樹冷紅瘦舞又飄蕭亂集
梵王宮宇蘚徑荒涼賸有經幢臥雨寄情處但攜杖看山
山靜無語 椎拓知幾許檢翠墨巾箱月虹光吐寸眸鑒
古歎韓陵片石不堪重撫寶漢樓高

叔苒樓名

目斷征鴻倦羽

話離緒望菰城瓣香遙炷

黃鶴引

題陳伯平鶴廬圖

雲門山下小葺衡茅結吟社紫藤花發年年濃香盈把軒
窗秀雅位置商彝周鼎酒新篘好約詞客挑鐙閒話十
載故鄉思千里長風借挂帆遙指匡廬天然圖畫神閒意
暇那有利名牽惹夢尋邨舍只老鶴翩翩來也

聲聲慢

錢塘葉生頌周

維新

年未弱冠工小楷諳琴旨壬

辰歲晤於西江節署相從問字執弟子禮甚恭黔
夫爲作江天琴話圖紀一時萍合也倚此題之

移篷坐雨卷幔吟秋空濛水天涵碧小榭枕江花外偶停
游屐闌干爪痕畫徧抱孤琴知音難覓麝炷鼻聽泠泠絃

語替傳心迹 卅載關河倦羽莫錯認清狂五陵佳客楚
尾吳頭相見似曾相識鷗盟故鄉未冷夢西湖扁舟蓑笠
乍酒醒又征塵吹上柳色

慶清朝

將遊都門道出津沽訪呂庭芷

耀斗

並晤吳蘭石

煥采

談讌竟日賦此留別

茂苑題襟松江鼓枻匆匆十九年華飄蓬未定潞河春水
浮艤雨過一隄嫩綠柳絲影裏玉鞭斜關心認小橋曲港
靜掩窗紗 差喜故人把臂有舊游詩老竝坐煎茶相逢
意外囊底新句爭誇話到別離最苦酒闌分手卽天涯從
茲去碾輪紫陌吹面塵沙

寒松閣詞卷三

三

梅子黃時雨

錢新甫

駿祥

招讌陶然亭同集者許子頌

淮祥戚

升槐

揚

吳祁甫

承志

潘安濤

慶瀾

陳杏孫

昌紳金

甸丞

蓉鏡

孫魏若

寶琦也

雙闕雲中望空外孤亭堪共吟
眺柰積潦盈途輦叢低繞
梅子黃時零宿雨畫簾不卷鑑香裊
傾懷抱密語淺斟多
少同調誰料黃塵烏帽閱星霜
廿載游屐重到笑壞壁
留題難尋鴻爪垂柳絲絲縈客夢
晚鶯聲悞驚春老西山
好一痕黛眉橫埽

百字令

吾浙會館之在下斜街者趙吉士先生寄園舊址

竹垞老人曾居之初白集中有詩可證丙寅夏予
偕朱亮生采過此愛其幽寂將移榻焉歟謂荒廢
已久弗宜僑寓而止忽忽二十八年矣比來都門
李蘊客折簡招飲至則門庭堂廡脩治一新且廣
旁舍植花木蔚然深秀喜而賦此

斜街西畔向古槐深處來訪新築畫棟雲飛花徑埽添蓋
數重吟屋梅雨初過柳陰交翠濃染鬚眉綠壺天清曠舉
杯先泛醺醪 追溯長水詞仙江湖載酒曾此棲高躅更
有煙波垂釣安同翦西窗銀燭佳句猶傳流風誰繼好補
春明錄寄園無恙百年還認喬木

浣谿紗

改七薌雙紅豆圖爲繆小珊荃孫題

南國春來發幾叢，問誰把酒祝東風。
壺中情淚一般紅，記曲暗拋羅扇。
蜨投瓊斜溜玉釵蟲，箇人心事更瓊瓏。
狡獪題詩記阿雲，相思無那要平分。
生憎楚客佩芳蓀，老眼看花矜異瑞。
柔腸得酒沃靈根，干卿何事暗銷魂。
乞烏程費餘伯華亭胡公壽畫紅豆相思冊漢軍繼又雲
題句云人閒只臉雙紅豆我欲平分故惱公根觸舊游爲
之惻惻

齊天樂

夏夜露坐寄懷頌周章門

雨餘庭院涼如水，脩然碧天雲淨。
倚扇兜螢鉤簾待燕屏，卻疏窗鐙影銀蟾破暝。
正槐葉陰濃，棗花香靜，坐久落階。

拂來衣袂露華凝 憑高何處望遠大江流日夜塵夢都
醒醉墨題牋冰絃寫怨一樣羈懷誰省鷗盟未冷問柳外
朱闌幾時同凭獨自眠遲聽殘蓮漏永

西子妝

題錢子密丈

應溥

寶泉河觀荷圖

曲沼圍泉虛廊薦爽翠蓋亭亭擎露曉雲霏雨澗天街策
吟羈鳳城西去尋芳追暑早蠻榼攜來尊俎酌名花愛玉
容銷酒清涼如許 銀塘路萬柄搖風縹緲紅衣舞苦心
脈脈有誰憐護嬋娟夕陽拳鷺詩情漫與歎衰鬢年光暗
度問何時一舸鴛湖夜語

寒松閣詞卷三

受業

德清蔡南昌陶

震同校

寒松閣詞卷四

嘉興 張鳴珂 公東

喜遷鶯

章門瓊花一本故漕帥高安蘇公自粵西移植也

昔年乞得一枝黃勛初

山壽

對花寫照易賓甫

順

題揚州慢以寵之今夏復得兩朵陶生伯蓀收

依蜨巖調賦喜遷鶯詞見贈予即用蜨巖韻繼聲

焉

楊花飄盡正倦倚畫闌東風恹恹恨瑤蕊含苞冰姿舒豔明
月二分應認靈根遠移嶺嶠婪尾還傳芳信看紫燕向珍
叢繞徧雕梁棲穩 春困誰管領陳迹六

去聲

朝幾許閒金

粉觀冷蕃釐祠荒后土那有舊時丰韻乍晴又飛絲雨天
氣熟梅剛近卷簾望怕韶光老去玉顏難問

一萼紅

乙未人日游雞鳴山寺用石帚人日登定王臺韻
憩藤陰亞疏枝礙帽衰鬢不勝簪環翠亭孤梯青磴古侵
曉濃霧山沈策扶老盤旋石罅墮片葉飛過竹間禽洗沐
因緣試鐙時節聊共登臨東望海氛無際料春回雲帳
敵愾同心簫鼓迎年林巒選夢濠上魚樂堪尋護芳信天
香佛界寺有金魚池牡丹鳴笑繁華何用帶圍金指點前峯去來采
藥去聲雲深

念奴嬌

寒夜懷陳瀛伯 元藻 卽題其塔影樓圖

秋涇橋畔有層樓，縹緲揜映秋色楓葉霜紅叢篠翠一木
到門凝碧密樹遮雲疏鐘盪晚塔影如鉞直斜陽無語倚
闌閒弄長笛 怎奈飄泊年年囊琴匣劒湖海常爲客腕
底龍蛇爭起舞揮灑金壺殘墨酒釀烏程潮鳴歇浦風送
扁舟夕幾時歸也翦鐙聽話游迹

買陂塘

題吳蜀青 孚恩 南湖秋泛圖

漸飄蕭幾株疏柳纖腰低顫如舞鯉魚風起添新漲盪輕
一枝柔艣橋轉處看攏袖吳娃雙槳淩波去微聞笑語又
夕照明邊淩歌唱晚領略水鄉趣 頻悵望我亦天涯倦

旅年年留滯南浦平生怕負閒鷗約夢繞落帆亭古須記
取早辦了漁蓑歸向鴛湖住煙汀露渚好料理尋秋輕舍
小簾來聽舵樓雨

前調

題家靄青

嘉鑄

柳陰垂釣圖

繞湖隄綠陰如畫東風吹醒煙樹一匳波鏡搖纖影淡寫
六朝眉嫵腰倦舞早遮住斜陽潑刺游鱗聚臨淵羨否好
料理青蓑一竿路曲閒共老漁語江鄉樂輸與元眞傾
取秋湓橋外來去菰鱸我亦榮歸夢小築生春雲鷗顧亭林詩
秀州城下水日夜生春雲因乞家菴春未暮但細雨輕塵
梅同年書生春雲鷗額以榜其居佳節尋芳誤柔條萬縷倘許訂鷗盟拏舟相訪倚櫂看飛

絮

買陂塘

題吳竹洲船敏舫第二圖

泛晴湖自拏煙艇陂塘新漲添滿蘆芽短短桃花嫩花外
掠波雙燕春未半又草長鶯飛點綴江南岸帆回路轉認
楊柳樓臺柔條跪地撩起客愁亂 晶匳展多少魚舫酒
幔平波臺下曠暖游蹤約略猶能記惟有鷺鷥曾見飛絮
卷悵鬢影如絲慘綠年華換樵青舊伴任雨細風斜權歌
重唱心共水天遠

壺中天

丁酉初夏薄游吳門吳倉石 俊卿 徐翰卿 熙 招同

文叔問

焯

金心蘭

影

沈藻卿

翰

集徐子靜

士

檠

園

女牆低轉認煙蘿翠篠回環林壑昔日江湖曾載酒老向
槃阿棲託彝鼎螭蟠圖書蝨蝕密坐留商榷熏鑪香燼夕
陽紅上簾角 猶喜勝侶招邀絃詩讀畫花底重斟酌小
扇單衫風淡沱笛裏玉梅吹落倚檻觀魚循廊款竹聯袂
尋眞樂明朝歸也海天應傍孤鶴

埽花游

題吳倉石燕園圖

映階露草又漏雨荒苔小門深閉畫屏倦倚問東風嬾挪
玉梅開未冷抱冬心午夜香生夢裏舊游地賸並宿翠禽

枝上噉起 窗外涼似水看月挂蘿梢石扶花氣硯池淨
洗料蘭成賦筆又添幽思浪迹天涯誤了雕梁燕子算歸
計渺鄉關客愁難寄

疏影

題陳同叔

如升

綠梅花下填詞圖用玉田寄草窗

韻

冰池凍結正玉梅競放吟徧香雪倦倚東風鐙剔銅荷庭
院昏黃時節苔階似水春先到有小小翠禽能說傍畫闌
細剖宮商笛裏數聲先別 頻歲江湖載酒鏡中試照影
凋盡華髮嚙蕊吹花垂老心情只恨飄零如葉歌鬢按譜
調新弄儘讓與詞仙癡絕料夜深夢醒羅浮冷浸半窗斜

月

憶舊游

寄懷劉光珊

炳照

吳門

向西冷載酒虎阜尋春跌宕湖山料理琴尊興有哀絲脆
竹排遺中年倦游自脩簫譜揮灑衍波箋喜縹緲雲留圍
藥月借常伴詞仙飄然訪君處記草長鶯飛綠滿窗前
省識金閶路正江南腸斷梅雨纏綿那堪茂陵多病香裊
藥鏹煙倘後夜相思重移海嶽書畫船

金菊對芙蓉

吳松雲

棟成

家鷺脰湖側寄半園圖徵題

叢桂飄香疏松盪翠小園秋色爭妍繞迴廊曲折石瘦雲

連洞庭山遠浮眉黛映夕陽暝入蒼煙蘆花開後漁歌唱
晚鐙火星圓遙指鶯脰湖邊記孤篷來往聽雨宵眠認
蕭蕭戰壘回憶當年濃磨盾墨馳飛檄甲子夏在官保劉仲良制軍師戎幕駐營
平望洗甲兵喬木依然補籬埽徑課茶飼鶴輸與詞仙

臺城路

馮柳東先生釣船笛懶巢種菜水邨歸隱三圖合
裴長卷

如何所鱸蓬池手持竿竟來垂釣乍脫朝衫旋敲野笠卻
傍蘆花深窈菱歌頓杳正浴鷺翻波白雲流照權入滄浪
一聲漁笛破清曉萍蹤催訪賀監四明山翠合苔徑慵
埽翦韭春寒鉏菰雪霽依舊青燈懷抱吟悰漸老問煙雨

南湖甚時重到有約扁舟水鄉歸夢好

珍珠簾

戊戌春盡日鄧定丞

承渭

李畚曾

宗言

兩太守招

同徐雯青太守

元霖

胡德齋

欽

孫滂伯

澄清

邵蓮

士召

集聽香館用泰西映相法作雅集圖賦此紀

之

情惜畫靜閒池館占芳菲又到酴醾開徧誰惜好春歸有

蹴花雙燕柳外呢喃飛不定早挽住斜陽一

一作

綫淒戀且

料理行廚翠尊相餞

應念雅集西園正談深塵尾賞孤

琴薦流水認前身怕鬢絲先換對鏡長留圖畫在只莫把

雲萍吹散簾卷看心字香燒鴨鱖猶篆

露華

去冬別萬礪民釗海上書來索題薑露庵填詞圖
空濛蕭瑟秋氣滿紙懷人望遠情見乎辭

玉簫怨咽比繞砌莎蛩聽更淒絕滿院疏星旋上窺簾斜
月夜深又起西風悄墜井梧殘葉銀鐙畔悲秋有人瘦損
詩骨山川自昔能說向減字偷聲頻寄騷屑鶴澗舊廬
無恙萬峯圍壘最憐旅食天涯夢裏悔教輕別芳評遠今
年鬢絲似雪

玲瓏玉

徐筱雲

用儀

次雲

用福

昆季屬題竹隱廬圖

叢碧瀟瀟喜栽得萬个琅玕微風裊玉夢回枕簟生寒最

愛虛心直節縱長安人遠時報平安檀樂望吾廬春滿海
墻記取牆圍蠟粉有空亭環翠高閣觀瀾徑闢羊求撫
孤松儘許盤桓何當共商棲隱便相約深林把臂玉版參
禪且歸去溯煙波先乞釣竿

百字令

姜貞毅先生宣州老兵硯

抱遺蕉白乍傳觀藝圃雲腴浮縑賴有雙雙鵲鴝眼閱盡
興亡能說矜肱儲英廟煤結契文采驚盤鬱蓬萊何處二
難同是人傑回憶玉輅東巡摘豪獻賦歸院金蓮撒彊
諫披鱗逢帝怒赤棒朝衫凝血折檻風高荷戈恩重桑海
俄飄瞥摩挲貞石敬亭山下鳴咽

江南春

追和倪雲林居士韻

竊簌翠密抽新筍秀色通簾深院靜東風欲織柳絲煙亂
搭秋千嬌弄影杏梁巢穩燕泥冷綠杯淨洗牽金井舊游
如夢拾羅巾芳郊晝晴吹麴塵春江寬春漲急花雨冥
冥三徑溼上階青苔楊將及雲開眉峯遠凝碧羈客思歸
但於邑天地蒼茫愧獨立具區倘泛一葉萍詩囊笛譜須
經營

垂楊

題一丘山人邨居圖

柴門靜悄罩綠楊幾樹屋廬深窈窕鹿眼籬疏野桃臨水含

風笑鶯聲花外啼春曉破幽夢枕函催覺怪宵來絲雨溼
濛已落紅多少差喜纖塵淨埽但登閣看山倚闌垂釣
本是忘機舊盟只許閒鷗到憑他向午蜂衙鬧早吟卷疊
成近稿仙源不隔人閒歸正好

臺城路

七姬權厝志題後

蘇臺麋鹿千年恨倉皇又驚烽燧縞袂難分霓裳罷舞燈
損愁蛾無計甘心玉去碎聽鶉血啼枝一般淒戾曳佩歸
來怨魂飄蕩雨聲裏苔痕青塚繡徧認誰題短碣紅杏
詞史曉鏡離鸞羅裙化蝶贏得曲平江哀詠浮生似寄誦
妙墨迴環替彈珠淚土覓三興埽餘花共瘞

入聲甘州

倚東風橫笛散春愁高樓正斜暉看珠簾乍卷薰鑪漸燼
香減羅衣道是畫長人困心事訴花知聽罷呢喃語梁燕
雙飛記否鄱陽湖上泛扁舟容與水滿蘆埼望匡廬何
處澹碧羣山眉繞迴汀漁歌唱晚按短腔羽換又宮移還
鄉好和滄浪曲穩占苔磯

齊天樂

寄懷金夔伯

石

秀州藉題其如此谿山填詞圖

谿山到處皆無恙年年旅懷消遣建業鐘聲長千塔影陳
迹南朝堪戀東風似翦柰浦樹含煙秣陵天遠一櫂西湖
六橋三竺浪游徧萍蹤飄蕩未定又移篷載酒來結鷗

伴樵李亭荒茶禪寺古稠疊吟箋寫怨韶華易晚歎我亦
思歸與君相見後約何時寄書憑去雁

浣谿沙

瑟瑟微颺漾碧流江鄉風景最宜秋蒹花新漲木蘭舟
繞郭遙山橫似黛卷簾初月正如鉤夕陽猶戀小紅樓

點絳脣

深鎖春光好花開滿閒庭院粉融香軟空惹游蜂戀一
寸芳心脈脈誰拘管珠簾卷玉人流眄消受東皇眷

湘月

薄游申浦又泛金閨夔伯語石出近作依石帶韻
詞見示譜此和之

聽潮滬瀆又移篷茂苑來玩韶景一葉扁舟早引動細雨
斜風游興曲港收帆遙汀牽網水闊垂虹冷漁娃嬌小晚
妝自照波鏡堪笑倦客關河年年倚櫂數危橋鴉陣酒
醒今宵儘未了檀板金尊佳勝芍藥將離楊枝贈別廿四
番花信春光婪尾五湖舊約重省

買陂塘

題吳竹洲平波消夏圖

對南薰翠陰庭宇槐柯空障炎景迫涼鶯脰湖邊路圍住
水雲千頃波似鏡看萬柄新荷爭炫紅衣靚花香暑淨喜
勝侶招邀絃詩讀畫來此泛煙艇高臺畔蘿徑苔階乍
整闌干低亞同凭菰蘆無恙盟鷗在消受一甌春茗塵夢

醒垂柳外聲聲漁笛繁清聽斜陽漸暝又宿鷺驚飛移棹
欲去目斷遠山影

綺羅香

碧檻移春玳窗款夢脈脈瑤情難寫粉約脂期來聚海棠
詩社懺綺愁蕉葉留題牽別恨柳絲盈把儘銷魂燕老鶯
殘葬花人倚水邊榭 宵涼箏語漸澁多少經絲密意年
時游冶笑乞瓊漿消受畫樓蘭夜揜晶屏鏡影添潮撥蕙
炷被池熏麝最無端離合悲歡迸成鉛淚瀉

國香慢

馬湘蘭聽鸝深處小印

款云王百穀兄索篆
贈湘蘭仙史何震

孔雀庵西是秦淮勝處穩稱幽棲春深柳絲飛盡綠樹陰

移一種柔情俠骨聽黃鸝柑酒親攜攤箋寫香艸小印鈴
來紅沁芝泥舊游多俊侶縱王昌未嫁消息應知賭吟
分韻花底傳唱新詞豔說朱家翠袖玉釵墮翻笑聲遲摩
挲鏡簌畔絕代風流恨不同時

絳都春

題包纘甫

承善

隨闇讀書圖

微霜絳樹漸秋色蒼涼高樓延竚水漲浪平載酒來尋著
谿路扁舟撐出蒹葭浦有黃菊東籬堪補雁行飛盡天空
岫遠靜臨煙渚無語浮雲世事壯懷任佗條肯拋豪素
舊業縹緗萬卷羅胸文章露江關蕭瑟蘭成賦把幽恨閒
脩簫譜何當畫壁旗亭爲君起舞

齊天樂

和金夔伯南湖月話之作

芳塘十里明如鏡，雲間遠流銀浦。密柳垂陰，危檣隱堞，遙望樓臺何許。炊煙似縷，指隔岸人家，菱荷深處。暝色蒼涼，倦簾燈火漸堪數。推篷來翫皓月，問姮娥夜靜，仙佩涼否。夢穩鷗眠，喧停蛤吠，刻燭催成詩句。清游伴侶，看把盞豪吟，喜聯今雨。後約尋秋，采菱移雁艣。

齊天樂

藕花未謝，菱歌起，橫塘尙餘殘暑。渚冷眠鷗，梁空語燕，簾外游絲無數。池萍斷處，看魚浪吹香，碧紋圓聚。滿院斜陽，晚蟬還曳最高樹。柴門清晝靜掩，任披襟散髮，苔徑微

步汲井浮瓜開籩檢藥消瘦妝臺眉嫵秋闌病趣但低擁
雲鬟勸脩簫譜按拍紅牙一聲聲曼度

滿庭芳

題丁徵君

兩

松存老人箸書圖遺照

菊蕊舒芳松濤破夢小園秋色平分香溫茶熟隨意坐苔
茵涵泳琳瑯萬卷覺胸次班馬濃薰徵文獻精心撰述健
筆自凌雲當時湖上住奚囊覓句同叩桑根賞功名第
一曾策詩勛
薛桑根師煙雲過眼圖題
詠甚富師品君詩爲冠
可惜年華向晚斜
陽好易近黃昏西冷畔鷗盟欲冷耆舊漸無存
今夏譚仲脩又歸道

山矣

浣溪沙

鄱陽湖道中

撒網漁舸聚釣磯。鷗鷺曬翅鯉魚肥。夕陽無語亂山低。
波路滌洄鷗許遠。碧天寥闊雁行稀。又移帆影過前谿。
長亭怨慢

題王夢湘太守

以愍

柳泉選夢圖

又消受纖腰低舞盼。到春來柳絲盈路。夕照明邊好山依。
約露眉嫵。夢痕無據。頻繞徧門前樹。聽雨記高樓。隔幾扇。
銀屏難度。薄暮便移船。載酒試問離華何處。晶簾月上。
漫扶醉踏歌歸去。算只有舊曲飄零。奈同是天涯。羈旅願。
化作浮萍。腸斷東風吹絮。

買陂塘

題吳作舟攸舷圖

溯空明一枝柔艣鱸鄉搖蕩煙艇

作

平塵吹淨東風頓十里素波如鏡春未醒早兩岸垂楊蘸上鶯黃影樓臺掩映

任簾卷蝦鬚窗開蠶殼依約畫中領元真子曾向湖壖寄興吟蹤今許誰並三高祠下尋詩料惟有叩舷堪聽天漸暝又滿載銀魚網曬斜陽冷絲牽翠荇看櫂入橋心紅牆缺處隱隱送清磬

滿江紅

題吳船泡夢圖

浩劫龍華算不過滄桑變易誰料此禍延文字秦燔同厄三傳九經糟粕棄旁行斜上昕宵習更編成課本賺屠沽

供蒙拾 賢聖語爭揮 斥佞盧敦勤 繙譯間滔滔天下橫
流何極 泡影時看塵海起 夢痕空向詞林覓 縱扁舟自在
蕩波心難援溺

百字令

題蔣子貞學堅西麓話禪圖

紫微山下繞疏籬 幾折花開 簷蔔蓮漏六時深 院靜濃睡
守寒孤 鶴塔影橫空 鈴聲語晚 此地堪棲 託杖藜人到紀
游詩寫牆角 差喜長老清操 龐眉如雪 同展楞嚴 讀悟
澈行雲流水意 文字西來能續汲 井烹茶 圍爐煨芋且享
清閒 福虎谿三笑 遠公誰繼芳躅

木蘭花慢

叩舷居士瓣香三影圖

向晴窗展卷喜樂府最纏絲有雲破月

平作

來歎韃送影好

句流傳冷然按腔減字度瓊簫響澈蔚藍天記否挑鐙招
譜落花靜擁春眠詞仙滌筆露華鮮選韻叶冰絃更偎
紅倚翠鶯鶯燕燕低唱梅邊誰憐漫嗟老去尙含情寫罄
密香箋到處相逢井水歌喉猶似當年

玲瓏四犯

隋董美人墓誌龐芝閣

澤鑒

屬賦

寒食東風問舊日隋宮誰醉荒冢夜雨棠梨猶自漆鐙孤
擁回憶出事梁臺儘占盡綺羅嬌寵賸小名鐫上貞珉纔
識斷腸人種六朝陳迹眞如夢倚垂楊畫樓高聳投壺

雅興彈碁妙，凌跨秦娥簫。鳳遐想縹緲，仙游月冷香凝煙。
重展數行殘碣，春恨遠，墨平花凍。

臺城路

題胡右階念修瑤艇填詞圖

飄然一舸，凌波去，江山最愁游倦。鄂渚尋秋，淮南聽雨，陳迹年年堪踐。情深笑淺，任譜入新詞玉簫低按。冉冉斜陽，白蘋汀外，起沙雁。
西湖吟興漸懶，記烏篷載酒，商訂行卷。擲笛偷聲，叩舷選調，水皺笙寒吹怨。柔腸易斷，又問字亭荒，復堂客懷難遣。抹電光陰，片帆天際遠。

鳳皇臺上憶吹簫

題錢南嶼衡同聽風聽雨寫竹圖

冷冷清清淒淒切切最憐雨晦風瀟正一庭叢篠解籜干
背窗外離披弄影磨淡墨替寫生結春無際湘靈掩冉鳳
舞鸞翹逍遙此君靜對千萬斛閒愁滿腹都消況竹田
深處曾繫征橈珍重虛心勁節圍濃蔭涼浸疏寮空階上
簷聲未停且復揮豪

齊天樂

題李漢青

慶霄

幽篁獨坐圖

蕭蕭翠葉微風撼流空一絲琴韻勁節凌雲柔枝過露三
徑苔痕餘潤爐薰未燼愛石磴蒼涼好調瑤軫抱膝閒吟
斷無人聽蕙蘭引江湖殘夢乍醒旅窗拈彩筆描弄金
粉筍迸泥香篠圍籬密誰報平安芳信秋聲漸近歎浪迹

萍浮暗塵樓鬢待覓成連刺船歸計穩

金縷曲

題劉品山留憶雲室尋夢圖

一霎曇花見最傷心驚鴻影過鏡簾塵滿鈿盒金釵都拋
撇何況熏鑪茗盃但賸有新詩盈卷碎墨零星推敲定認
行閒小字珠璣繁吟好句總腸斷東南勝地遨遊徧記
年時相隨橐筆泛舟青翰三竺六橋春光媚隄柳絲絲拂
面更不憚天台程遠玉洞香炊胡麻熟恐劉郎再到無緣
見初夢醒淚如霰

買陂塘

沈潔齋

守廉

官汴日慨然有故鄉之思畫鴛湖舟

隱圖徵題歲辛丑歸來得宅南湖之濱重加修葺
幽秀疏爽集同人觴詠其中爲賦是解

傍鴛湖幾株垂柳纖煙梳雨搖暝鸞環低罩橋南路中有
故人門徑波似鏡照亞字闌干丁字疏簾影春風乍醒早
酒榼頻攜詩筒傳唱相約賞清景輪蹄鐵曾向嵩邱縱
騁懷歸心逐箕潁漁邨蟹舍依然好卻喜卜居鄉井塵夢
冷任倚枕聽歌采采菱花靚桐陰煮茗又掩映斜陽棲鴉
流水寫作畫圖證

寒松閣詞卷四

受業侍史李定芬校